

**ODLUKU
O PROGLAŠAVANJU PROJEKTA "ČISTA RIJEKA
MILJACKA" OD JAVNOG ZNAČAJA ZA KANTON
SARAJEVO**

Član 1.

Projekat "Čista rijeka Miljacka" utvrđuje se projektom od javnog značaja za Kanton Sarajevo.

Član 2.

Daje se saglasnost na tekst Memoranduma o saradnji između Vlade Kantona Sarajevo, Grada Sarajevo, Općine Stari Grad Sarajevo, Općine Centar Sarajevo, Općine Novo Sarajevo i Općine Novi Grad Sarajevo za realizaciju projekta "Čista rijeka Miljacka".

Član 3.

Ovlašćuje se premijer Kantona Sarajevo da potpiše Memorandum o saradnji iz člana 2. ove odluke.

Član 4.

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-5259-17/26
19. februara 2026. godine
Sarajevo

Premijer
Nihad Uk, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 44. stav (5) Zakona o izvršavanju Budžeta Kantona Sarajevo za 2026. godinu ("Službene novine Kantona Sarajevo", broj 52/25), Vlada Kantona Sarajevo, na 117. sjednici, održanoj 26.02.2026. godine, donijela je

**ODLUKU
KOJOM SE OVLAŠĆUJE MINISTARSTVO FINANSIJA
KANTONA SARAJEVO DA PROVEDE POSTUPAK
DUGOROČNOG KREDITNOG ZADUŽIVANJA
KANTONA SARAJEVO U 2026. GODINI**

Član 1.

Ovlašćuje se Ministarstvo finansija Kantona Sarajevo da provede postupak dugoročnog kreditnog zaduživanja Kantona Sarajevo do iznosa 117.062.923 KM, za potrebe finansiranja kapitalnih projekata i akumuliranog deficita iz prethodnih godina planiranih u Budžetu Kantona Sarajevo za 2026. godinu, putem javnog poziva u skladu sa članom 10a. Zakona o javnim nabavkama ("Službene novine Kantona Sarajevo", broj 39/14, 59/22 i 50/24).

Član 2.

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-6172-5/26
26. februara 2026. godine
Sarajevo

Premijer
Nihad Uk, s. r.

Na osnovu člana 26. i 28. stav (3) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 5. i 12. Uredbe o načinu obrazovanja radnih tijela koje obrazuje Vlada Kantona Sarajevo i rukovodioci kantonálnih organa državne službe i načinu utvrđivanja visine naknade za rad u radnim tijelima ("Službene novine Kantona Sarajevo", broj 48/25),

Vlada Kantona Sarajevo, na 116. sjednici, održanoj 19.02.2026. godine, donijela je

**RJEŠENJE
O IMENOVANJU KOMISIJE ZA USPOSTAVU FONDA
ZA MOBILNOST MLADIH KANTONA SARAJEVO**

I

U Komisiju za uspostavu Fonda za mobilnost mladih Kantona Sarajevo (u daljnjem tekstu: Komisija) imenuju se:

1. Kolčaković Mersiha, predsjednica,
2. Njuhović Azemina, članica,
3. Ivazović Sara, članica,
4. Tirić Nina, članica,
5. Andrej Madunić, član.

Za sekretara Komisije imenuje se Vasić-Hadžihalilović Mirela, koja će obavljati administrativno-tehničke poslove.

II

Zadatak Komisije iz tačke I ovog rješenja je da istraži potrebe mladih u oblasti mobilnosti, odredi ključni okvir podrške kroz Fond za mobilnost, uključujući ciljnu grupu, prioritetne aktivnosti i iznos sredstava te da utvrdi jasne kriterije, prijavne obrasce, postupak izbora korisnika i mehanizme praćenja i pravdanja utroška sredstava. U cilju realizacije navedenog, Komisija je dužna izraditi prijedlog pravilnika kojim se uređuju uslovi, način i postupak funkcionisanja Fonda za mobilnosti te zajedno sa Izvještajem o radu dostaviti ministrici Ministarstva za nauku, visoko obrazovanje i mlade Kantona Sarajevo.

III

Komisija će zadatak iz tačke II ovog rješenja obavljati poslije radnog vremena. Rok za realizaciju zadataka iz tačke II ovog rješenja je tri mjeseca od dana donošenja ovog rješenja.

IV

Nadzor nad realizacijom ovog rješenja vršit će Ministarstvo za nauku, visoko obrazovanje i mlade Kantona Sarajevo.

V

Utvrđuje se visina naknade za rad imenovanim iz tačke I ovog rješenja, i to u neto iznosu: za predsjednika Komisije 300,00 KM, za članove Komisije 250,00 KM i za sekretara Komisije 175,00 KM.

Naknada za rad imenovanim iz tačke I ovog rješenja isplatit će se u skladu sa odredbama Uredbe o načinu obrazovanja radnih tijela koje obrazuje Vlada Kantona Sarajevo i rukovodioci kantonálnih organa državne službe i načinu utvrđivanja visine naknade za rad u radnim tijelima ("Službene novine Kantona Sarajevo", broj 48/25).

VI

Ovo rješenje stupa na snagu danom donošenja, a objavit će se u "Službenim novinama Kantona Sarajevo".

Broj 02-04-5259-18/26
19. februara 2026. godine
Sarajevo

Premijer
Nihad Uk, s. r.

Na osnovu člana 26. i 28. stav (3) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), člana 1. i 4. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj 12/03, 34/03 i 65/13) i člana 106. Zakona o odgoju i